

ՀԱՅՐԱՊԵՏԱԿԱՆ ԳՆԱՀԱՏՈՒԹՅՈՒՆ ԿՈՏԱՅՔԻ ՄԱՐԶՊԵՏԻՆ

Հունիսի 15-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պատրիարք և Ամենայն Հայոց Կաթողիկոսն ընդունեց Կոտայքի թեմի առաջնորդ Գերաշնորհ Տ. Առաքել եպիսկոպոս Քարամյանին և Կոտայքի մարզպետ Կովալենկո Շահգալոյանին:

Հանդիպման ընթացքում Ամենայն Հայոց Հայրապետը մարզպետին հանձնեց, ի գնահատություն Հայոց Եկեղեցուն մատուցած իր ծառայությունների և թեմակալ առաջնորդի խնդրանքին ընդառաջ, մայիսի 9-ին նրան շնորհված «Ս. Ներսես Շնորհալի» պատվո բարձր շքանշանի Հայրապետական կոնդակը: Տիար Շահգալոյանի հովանավորությամբ վերանորոգվել և բարեզարդվել է Ալափարս գյուղի Ս. Աստվածածին եկեղեցին:

«Գոհունակություն է Մեզ համար գնահատանքի Մեր խոսքը բերել Ձեզ, որ բարի գործերով հաստատում եք Ձեր հավատն առ Աստված և սերը՝ հանդեպ Առաքելական մեր Սուրբ Եկեղեցին: Դուք ազնիվ հոգով ստանձնեցիք Կոտայքի մարզի Ալափարս գյուղի Սուրբ Աստվածածին եկեղեցու վերանորոգության ու բարեզարդման հովանավորությունը՝ կարևոր ավանդ բերելով ինչպես Ալափարս, այնպես և հարակից գյուղերում հոգևոր կյանքի վերազարթոնքին: Գոհունակություն է Մեզ համար, որ հավատավոր Մեր զավակները այսուհետ նորոգված սրբավայրի կամարների ներքո պիտի փառաբանական իրենց աղոթքը բարձրացնեն առ Աստված և շնորհընկալը դառնան երկնային պարգևների», - ասվում է Հայրապետական Սրբատառ Կոնդակում:

Նորին Սրբությունը մաղթեց, որ Տերը Սուրբ Ներսես Շնորհալի Հայրապետի բարեխոսությամբ տիար Շահգալոյանին պարզևի քաջառողջ արևշատություն և եկեղեցաշեն ու ազգագուտ գործոց նորանոր հաջողություններ: Մեծարգո մարզպետը, իր հերթին շնորհակալություն հայտնելով բարձր պարզևի համար, պատրաստակամություն հայտնեց ըստ ամենայնի իր օգտակարությունը բերելու և աջակցելու Հայաստանյայց Առաքելական Սուրբ Եկեղեցուն:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*



ՎԵՆՔՈՒՆՆԵՐ ԿՈՏԱՅՔԻ ՄԱՐԶՊԵՏՆ Է ՆԱՆՁՆՈՒՄ «Ս. ՆԵՐՍԵՍ
ՆՆՈՂԱՄԻ» ԶՔԱՆՇԱՆԻ ԿՈՆԴԱԿԸ